



## Domegna 3 de ma – De d'oraziun por vocaziuns - "No se temede!"

Te dljia de **Badia** (slüta) vegnel tigní **dales 15:00 ales 16:00** na ora d'adoraziun. I podun tó pert y ensciö ester unís tl'oraziun a dōta la valada tres internet sot a: **Facebook.com/grupdecanal**

Ince tal **Vinzentinum** da Porsenú vegnel tigní **dales 17:00 ales 18:00** na ora de oraziun. I podun perié empara te internet sot a: **https://bit.ly/3eqjfhG**

**Gejú, tō bun famei**, endespra te dōtes les ploaniens vocaziuns da prei, diacons, porsones de convont, miscionars y laics co se dá da fá, aladō dai debojügn de dōt le monn, a chel che tō i os bun y che tō os salvé. Cherieia danter nos le tlima de fede dai prōms cristians, por ch'i podunse ester n cenacolo d'oraziun, arjigné a tó sō le Spirit Sant con sōes scincundes. Stái dlungia a nūsc fameis y a dōtes les porsones co é consacrades a n sorvisc tla dljia. Oj tōa odlada d'amur sōn i trec jogn de bona orenté y cherdí a te gní do. Deidí capí che ai pó ma se realisé deplen te te. – Amen  
Papa San Jan Paul II°

### † Sopoltōres - comunicaziun dla Diozeja

Dai 4 de má ennant pó endó gní fat sopoltōres, ince sce al resta ennant desposiziuns y limitaziuns. La funziun/messa pó gní zelebada te dljia o te cortina, mo al pó ma tó pert i familiars, alplü 15 porsones. Chisc mess avei en mascherot y tigní la destanza d'en meter önn dal ater. Porsones co á plü co 37,5 °C de borjú o co á sintoms de coies ne pó nia ester lapró. Tó pert ne dess gnanca les porsones co á i dis dan la funziun albü contat con zacai de positifs al „coronavirus“. An dess evité le contat dal corp desco abrac, y ince da se toché la man por fá les condolianzes o se dé le segno dla pésc. Les porsones pó ciáfé la comegnun, mo ma tla man y stenn te proca. Al é le ploan co ven a la dé.

### 1 Enformaziuns y termins

**ACS Mareo - iscriziuns sajun 2020/21**: mituns o mitans co foss enteressés a soghé al palé y ne sogá nia belo pa na squadra dal ASC Mareo, á la poscibilité da se scrí ete **cina ai 15 de ma** por la sajun 2020/21. Por infos podeise contaté en member dal Consei, mené na e-mail a [ascmareo@rolmail.net](mailto:ascmareo@rolmail.net) o ciaré sōn nosc sito [www.ascmareo.com](http://www.ascmareo.com)

**Comun de Mareo**: le zenter de reziclaje Ciamaor daür con chisc orars: dedmesaledema dales 14:00 ales 16:30 y vendres dales 15:00 ales 20:00. L'azes al zenter de reziclaje é consenté ma con i dispositifs de segurezza, mascherina y maneces!

**Ocio**: l'E-Werk Al Plan lascia alessei che clienc ciáfa telefonades olache al ven dit che al fala val pal cunt dal strom. No se lascede ete te cōsc, le E-Werk ne fej nia cōsta sort de telefonades!

<b>Dōt le bun a:</b>	Jep Rindler	* 03.05.1938
	Anna Taibon ved. Pedevilla	* 04.05.1932
	Trebo Peter, <i>Bornech</i>	* 06.05.1940
	y a dūc chi co á santennom y compless i agn cōst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le **dedemesaledema** sera a Franz Rigo: ☎ 0474 500978 o ✉ [ploania@gmx.net](mailto:ploania@gmx.net)  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: **Signor Klaus Sottsas**  
E-mail: [ploania@gmx.net](mailto:ploania@gmx.net)

Calogna Al Plan: **0474 501006**  
Radio de Ploania: **93,00 MhZ**

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann A

03.05.2020 - Cuarta domegna de Pasca

n. 23

## Le Bun Famei: porta dla vita

St.Ap 2, 14a. 36–41 | 1 Pire 2, 20b–25 | Jan 10, 1–10

### Dal Vangelo do San Jan:

Te chel tomp á Gejú dit: <sup>1</sup>Amen, amen, i ves diji: Chel co va te tamá nia da üsc ete, mo da n'atra pert ete, chel é n lere y n loter. <sup>2</sup>Chel co va endere da üsc ete é le famei dles biesces. <sup>3</sup>Le portiná ti daür y les biesces ascuta sōa usc; al cherda les biesces co é sōes, vignōna por so ennom y les condūj fora. <sup>4</sup>Do ch'al á paré fora dōtes sōes biesces, ti val danfora, y les biesces ti va do; deache ares conesc sōa usc. <sup>5</sup>A n forest ne ti jaráres nia do, mo ares sciampará da d'el, cioldiche ares ne conesc nia la usc dal forest. <sup>6</sup>Gejú ti á cunté cōsta parabola; mo ai ne capía nia le significat de ci ch'al ti á dit. <sup>7</sup>Gejú ti á dit ennant: Amen, amen, i ves diji: lu sun l'üsc da i jí pomez ales biesces. <sup>8</sup>Dūc chi co é gnūs dan me ea leri y lotri; mo les biesces ne i á nia ascuté sō. <sup>9</sup>lu sun l'üsc; chel co passa da me ete gnará salvé; al jará ete y fora y ciafará pastōra. <sup>10</sup>Le lere ven ma a d'arobé, a copé y a desfá; iu sun gnū, por che ares á la vita y che ares l'ái en abundanza.

### Oraziun dal de

*Periun! Dio onipotent y etern, to Fi ti é jü da bun famei vitorius danfora ala Dljia: condūj ince le pastorec, por chel ch'al á dé sōa vita, fora de vigne meseria ala ligreza eterna.*

*Do cōsc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por dūc i secui dai secui. – Amen*

(Lezionar A)



Letōres dla Cuinta domegna de Pasca:

St.Ap 6, 1–7 | 1 Pire 2, 4–9 | Jan 14, 1–12

## Edema liturgica dai 03.05. ai 10.05.2020

Ince les funziuns de cöst'edema ven tignides zonza la comunité y sará ma da aldí tal Radio de Ploania.

<b>DOM 03.</b>	<b>Cuarta domogna de Pasca</b> <b>DE MONDIAL D'ORAZIUN POR LES VOCAZIUNS</b> <b>domogna de San Florian</b>	<i>apostui Filippo y Iaco, Alexander</i>
<b>08:30</b>	<b>gran messa</b> por dōta la ploania <b>s.m.</b> en onú de San Florian do intenziun dai Stödafüs d'La Pli y d'Al Plan <b>s.m.</b> por † Ida Frontull, Mareo	♫ <i>cuartet dla Musiga</i>
<b>12:00</b>	<b>al ven soné adöm: les ciampanes envieia al'oraziun</b>	
<b>19:30</b>	<b>la ciampana envieia al'oraziun</b>	
<b>Lön 04.</b>	<i>Florian (patron da Curt), Guido, Valeria</i>	
<b>19:30</b>	<b>la ciampana envieia al'oraziun</b>	
<b>Ded 05.</b>	<i>Godehard, Max, Angelo, Iuta, Sigrid</i>	
<b>19:30</b>	<b>la ciampana envieia al'oraziun - corona</b>	
<b>Dem 06.</b>	<i>Markward, Antonia, Gundula</i>	
<b>19:30</b>	<b>la ciampana envieia al'oraziun</b>	
<b>Jöb 07.</b>	<i>Notker, Gisela</i>	
<b>19:30</b>	<b>la ciampana envieia al'oraziun – funziun de ma</b>	
<b>Ven 08.</b>	<i>beata Ulrika Nisch, Friedrich, Ulrich, Desiré</i>	
<b>19:30</b>	<b>la ciampana envieia al'oraziun - corona</b>	
<b>Sab 09.</b>	<i>Beatus, Tareja</i>	
<b>19:30</b>	<b>la ciampana envieia al'oraziun</b>	
<b>DOM 10.</b>	<b>Cuinta domogna de Pasca - De dla oma</b> <b>gran messa</b> por dōta la ploania <b>s.m.</b> d'aniversar ( <i>co foss stades de merz</i> ) por † Genoveffa Ellemunter ved. Rigo por † Teodolinda Promberger Trebo y por † Lois Valentin	<i>Iob, Damian de Veuster</i>
<b>08:30</b>	<b>gran messa</b> por dōta la ploania <b>s.m.</b> d'aniversar ( <i>co foss stades de merz</i> ) por † Genoveffa Ellemunter ved. Rigo por † Teodolinda Promberger Trebo y por † Lois Valentin	
<b>12:00</b>	<b>al ven soné adöm: les ciampanes envieia al'oraziun</b>	
<b>19:30</b>	<b>la ciampana envieia al'oraziun</b>	
<b>i recordun:</b>	Giuseppe Ploner, <i>Rü dessot/Chatillon (Aosta)</i>	† 04.05.2019

→ **Santes Messes por defunc:** les messes **dal ann** por defonti **belo paiades**, co foss tomades ete do i 9 de merz cina encö, ven sen dites les domognes dla gran messa ales 08:30 (radio dla ploania). Chi co ó aposté **messes dal ann da dí proscimamonter** (ince por i aniversars co é stés d'aorí) pó mené na e-mail a [ploania@gmx.net](mailto:ploania@gmx.net) o telefoné a Franz Rigo, ☎ 347 2310129. Ince cōstes ven spo dites en iade entant la domogna.

**Les messes de sopoltōra** (Requiem) por i defonti gnará zelebrades can ch'al podará endò gní dit messa con la comunité. Sce les families dai defunc oress dertant lascé dí na messa, spo ven ince cōsta dita la domogna dla gran messa.

**Les atres messes belo paiades** - por defonti y d'atres entenziuns - gnará dites pormanche ara va.



## “L'üsc dla salveza” (Jan 10, 1–10)

### I ponsi do

*Gejú é famei y üsc dal stalot dles biesces: na raprejentaziun co manifesteia vijinanza, amur y sōa orenté da se fá sté pa d'el. Gejú é la vita y zonza de el él ma tristeza y mort. Trec i va pormez a d'atri por i tó o desdrü amizies, valurs y sentimonc desco la fede, la bunté, la verité. La sora garanzia por nia rüné la vita é sté pa Gejú.*


### I preii ensciö

Tö es l'üsc de stala, tö es la si dal velin, tö es le bun famei dal pastorec... Ne te sal nia che te esagerei, Gejú? Tö rospognes de sciö, desco dagnora y iu le sa: tö es önn co esagereia tal amur y tl'amicizia. Tö es “gelus” de to pastorec, tö ös che degügn ne s'an vai. Tö te stas con festide por le destin de töes biesces ciodi ch'al é en gröm de lus co apaisa. Te ne te aconteneies nia ma de ci co mess ester, tö ös ch'i anse la vita en abundanza. Olá ciafunse pa en miú pastorec co le to, en miu famei co tö y na stala plü sogüda co la töa? Mo pa te ne pón pa nia sté chic, y se slü daete. To stil é l'acoliensa, töa forza é la misciun, to fin é daurí l'üsc ince por d'atres biesces co n'é nia de “cōsta stala”. I orun te daidé, Gejú! Fá ch'i esagerunse ince nos: i sun de pices biesces, mo i podun gní de bogh cians da famei.

*Walter Cazzaniga, Parola amica – Il Vangelo della domenica per ragazzi*



## I ponsun con le Vangelo (Jan 10, 1–10)



- 1> Chel co va endere da üsc ete é le famei dles ...
- 2> y les biesces ... sōa usc
- 3> vignōna por so ...
- 4> ti val ..., y les biesces ti va do
- 5> Gejú ti á cunté cōsta ...
- 6> lu sun l'üsc da i jí ... ales biesces
- 7> chel co passa da ... ete gnará salvé.
- 8> por che ares á la ...

